

الكاثوليكون

رسالة القديس بطرس الرسول الثانية

تحذير من المعلمين الكذبة

في رسالته الوداعية، القديس بطرس الرسول بيّفكرنا إنّنا لازم ننمو روحياً و نستعد ليوم الدينونة ... و بيحذّرنا من المعلمين الكذبة اللي بيشكّونا في إيماننا الصحيح أو بيعيشوا بطريقة بعيدة عن كلام ربنا

× **🔔** طبعاً الملخص ده لا يغني أبدأ عن الوعظات و التأملات العميقة في كلام الكتاب المقدس ... دي محاولة بسيطة لتقديم ملخص بسيط للأسفار

عن الرسالة



- موجهة لكنائس آسيا الصغرى (زي الرسالة الأولى) ... لكنها من ضمن الكاثوليكون (الرسائل الجامعة) ... يعني

موجهة للكنيسة كلها

- تُعتبر **رسالة وداعية** لأن القديس بطرس كان عارف إنه هايستشهد قريب (و ده اللي حصل على إيد نيرون)
- هدف الرسالة: تثبيت الإيمان بقيامة السيد المسيح ... و **تأكيد إن فيه يوم للدينونة لازم نستعد له و نعيش بالقداسة**
- الرسالة متقسمة تقريباً جزئين:

1. التحدي: إزاي كأولاد ربنا نفضل ننمو

2. تحذير من المعلمين الفاسدين

الجزء الأول (ص 1): التحدي: إزاي كأولاد ربنا نفضل ننمو روحياً

7 فضائل أساسية لقبول دعوة ربنا

آية 1 ل 11: دعوة ربنا لينا (من خلال ربنا يسوع) إنّنا نكون شركاء الطبيعة الإلهية (يعني شبه ربنا يسوع و واخدين نعمة من ربنا)



❗ - يقول إننا لازم نهرب من الفساد اللي في العالم و بيذكر 7 فضائل لازم نجتهد و نحاول نفتنيها كَرَدَّ فعل لدعوة ربنا:

1. فضيلة (لازم أعمالي و سلوكي كإنسان مسيحي تكون شبه ربنا يسوع)
2. معرفة (حكمة تحفظ الفضيلة من الفساد)
3. تعفّف (في العين و اللسان و الفكر و الكلام ... يعني مش أي معرفة بتبقى مفيدة, معرفة الشر مش مفيدة)
4. صبر (جهاد العفة صعب و محتاج صبر)
5. تقوى (اللي يدّينا الصبر: خوف ربنا في حياتنا)
6. مودّة أخوية (الجهاد في الحياة الروحية مع ربنا لا يلغي محبة قريب)
7. **محبة (دي أهم واحدة)** ... دي معناها إني أفضل راحة غيري على راحتِي ... درجة الأغابي

لأنه هكذا يقدم لكم بسعة دخول إلى ملكوت ربنا و مخلصنا يسوع المسيح الأبدي

هدف الرسالة

آية 12 ل 15: هدف الرسالة: تذكرة بتعليم بطرس الرسول عشان ولاده يفتكروها بدل ما عقلهم يتشتت بتعليم معلّمين كذبة



فأجتهد أيضا أن تكونوا بعد خروجي تتذكرون كل حين بهذه الامور

تشكيك في القيامة

أول بدعة و فكر غلط بيرد عليها القديس بطرس هي التشكيك في القيامة



✘ فيه ناس من اليهود بتقول : إن التلاميذ اخترعوا قصة قيامة ربنا يسوع ... بينما هو مات و مش هياتي ثاني

💡 القديس بطرس بيرد بنقطتين:

1. باللي شافه بعينه: **مجد و تجلّي ربنا (مرقس 9)**
2. إن مجيء ربنا الثاني كملك و قاضي **بيتمّم النبوات اللي الروح القدس أوحى بها للأنبياء** (زي إشعياء و ميخا و نحميا)

لأننا لم نتبع خرافات مصنعة إذ عرّفناكم بقوة ربنا يسوع المسيح و مجيئه بل قد كنا معانين عظمته

الجزء الثاني: تحذير من المعلمين الفاسدين في حياتهم (ص2) أو أفكارهم (ص3)

تشكيك في وجوب قداسة الجسد

ثاني بدعة و فكر غلط بيرد عليها القديس بطرس هي التشكيك في إننا لازم نعيش بقداسة



✘ فيه بدعة بتقول : مفيش حاجة اسمها خطية ولا دينونة على الجسد، نعيش زي ما احنا عايزين (كشهوات أو طمع)


💡 القديس بطرس بيرد ب : 3 أمثلة لعدل الله و قضاؤه

1. إدانة الملايكة الساقطين
 2. الطوفان أيام نوح (تكوين 6 ل 8)
 3. فناء سدوم و عمورة (تكوين 19)
- و دايماً كان ربنا بينجي أولاده (نوح – لوط)

يعلم الرب أن ينقذ الأتقياء من التجربة و يحفظ الأئمة إلى يوم الدين معاقبين

تحذير من الحياة الفاسدة

آية 12 ل 22: حياة بعض المعلمين كانت كده (وراء الشهوات و المال)




✘ تعليمهم إن ده الصح: مفيش حاجة اسمها عفة أو قناعة أو أمانة ... احنا بقينا أحرار في المسيح (يعني في رأيهم نعمل اللي احنا عايزينه)

💡 القديس بطرس بيرد : الناس دي شوّهت معنى الحرية اللي قاله بولس الرسول (رومية 6) ... و إنهم عبيد لشهواتهم ...
و معرفتهم لتعليم ربنا يخلي غلطتهم مضاعفة زي ما مكتوب في أمثال 26 : 11

قد أصابهم ما في المثل الصادق: كلب قد عاد الى قيئه و خنزيرة مغتسلة إلى مراغة الحماة

تشكيك في الدينونة

ص 3 (آية 1 ل 9): سبب إنكار المعلمين الفاسدين ليوم الدينونة



✖ يزعّموا إنه : مر أجيال بعد صليب ربنا, و لية الدينونة مجاتش ... يبقى (في نظرهم) مافيش دينونة, و إلا ليه تأخرت؟


💡 القديس بطرس بيرد على النقطتين:

1. **ده قصر نظر منهم** ... إحنا و العالم بتاعنا اتخلق بكلمة من ربنا ... و زي ما ربنا خلق العالم بكلمة, يقدر ينهيه بكلمة -- < فيه دينونة
2. **سبب تأخر الدينونة هو صبر ربنا ... بيدّي كل جيل فرص للتوبة** ... حساباتنا للوقت محدودة جداً و قاصرة على اللي شايفينه في حياتنا ... بينما ربنا بيشغل على مدى أجيال كتير

لا يتباطأ الرب عن وعده كما يحسب قوم التباطؤ لكنه يتأنى علينا و هو لا يشاء أن يهلك أناس بل أن يُقبل الجميع إلى التوبة

مجيء يوم الدينونة

ص 3 (آية 10 ل 13): لكن هيأتي يوم الرب, يوم الدينونة (زي ما قال إشعياء و صفنيا) اللي تزول فيه السماوات و نجومها و تزول الأرض و اللي عليها ... لكن دي طبعاً مش النهاية ...




لأن فيه **سماء جديدة و أرض جديدة** ... ملكوت فيه ربنا و فيه المحبة (زي ما بنقرا في سفر الرؤيا)

لو لكننا بحسب وعده ننتظر سماوات جديدة و أرضاً جديدة يسكن فيها البر

ختام الرسالة

ص 3 (آية 14 ل 18): الختام: إن يوم الرب ده هو اللي رجائنا كلنا في المسيح يسوع ... ده اللي تكلم عنه كل الرسل (رسائل يعقوب و يوحنا و بطرس و بولس) ...



لربنا بيحب العالم و عايز يخلصه ... و عشان ده يحصل لازم الشر ينتهي و يتحاكم ... و **احنا لازم نستعد و نسلك زي ما ربنا علمنا**

لذلك أيها الأحباء إذ انتم منتظرون هذه اجتهدوا لتوجدوا عنده بلا دنس و لا عيب في سلام

ربنا يدّينا نعيش بسلوك مسيحي حقيقي و نثبت في الإيمان الصحيح عشان يوم الدينونة نوجد مستعدين



created by the Bible Project

المراجع الرئيسية



- موقع [The Bible Project](https://www.bibleproject.com/)
- وعظات أبونا داود لمعي من [برنامج فتشوا الكتب](#) أو من [المكتبة الصوتية على موقع كنيسة مارمرقس](#)
- موقع [القديس تكلهيمانوت](#)